

# CBETA電子佛典集成

---

CBETA Chinese Electronic Tripitaka Collection  
eBook

T20n1045b

## 六字神呪王經

失譯

# 目次

- [編輯說明](#)
- [章節目次](#)
- [卷目次](#)
  - 001,
- [贊助資訊](#)

## 編輯說明

- 本電子書以「CBETA 電子佛典集成 Version 2023. Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 [service@cbeta.org](mailto:service@cbeta.org) 回報。
- 版權所有，歡迎自由流通，但禁止營利使用。

如是我聞：

一時佛在舍衛國祇陀林中。爾時有一外道旃陀羅女，專行眾惡符書厭禱，或事山神樹神、樹下鬼神、日月五星、南斗北辰、一切魍魎雜魔邪魅，厭惑尊者阿難陀及諸善人，如是等恒河沙數。即時如來因見阿難陀恍惚，及憐愍一切三世有情故，為說此六字神呪王經。

「先佛所說，我今亦說。」即說呪曰：

「安陀隸 鉢陀隸 迦羅胝翅由隸 帝闍婆帝 頻頭婆帝 陀頭隸 陀究帝隸 陀究摩帝 脩摩帝 安陀羅槃陀羅 檀陀羅提兜羅 陀那延陀 曼陀婆帝 阿那阿那夜 摩豆摩婆帝 迦羅吒翅由羅浮澄伽彌 帝闍婆帝 頻頭摩帝 阿羅婆伽帝 毘咤毘提膩 質吒毘提膩 質吒毘提膩 莎婆呵」

「若有為某甲作惡呪詛，若作已、若當作，若天、若魔、若龍、若夜叉、若羅刹、若餓鬼、若鳩槃荼、若富單那、若毘舍闍、若阿波摩羅、若優波摩羅、若吉遮、若佉伽陀、若毘陀羅、若半毘陀羅、若沙門、若婆羅門、若刹利、若毘舍、若首陀、若摩蹉伽、若摩蹉伽女、若旃陀羅、若旃陀羅女、若奴若婢、若男若女、若外道尼乾陀、若外道出家男女，如是等種種若能呪詛厭蠱。我今以此六字神呪王經，若天上作天上滅之，若天下作天下滅之，若上向作上向滅之，若下向作下向滅之，若壁上作壁上滅之，若著壁作著壁滅之，若雲漢中作雲漢中滅之，若虛空中作虛空中滅之，若地上作地上滅之，若地下作地下滅之，若八表外作八表外滅之，若六合內作六合內滅之，若隨風飄中作隨風飄中滅之，若四海大水中邊作四海大水中邊滅之，若江河淮濟中邊作江河淮濟中邊滅之，若陂塘中邊作陂塘中邊滅之，若雜水中邊作雜水中邊滅之，若山川溪谷堆阜坑中邊作山川溪谷堆阜坑中邊滅之，若五嶽中邊作五嶽中邊滅之，若大澤林藪中邊作大澤林藪中邊滅之，若大樹小草中邊作大樹小草中邊滅之，若草木根莖中邊作草木根莖中邊滅之，若大小道徑中邊作大小道徑中邊滅之，若大小四交道中邊作大小四交道中邊滅之，若城堡坊村外門中邊作城堡坊村外門中邊滅之，若城堡坊村內作城堡坊村內滅之，若宮外內門邊作宮外內門邊滅之，若宮門中作宮門中滅之，若於塚墓中邊作塚墓中邊滅之，若家舍宅垣牆中邊作悉皆滅之，若屋宕作屋宕滅之，若柱邊作柱邊滅之，若柱礎邊下作柱礎邊下滅之，若糞土中邊作糞土中邊滅之，若井竈碓磨中邊作井竈碓磨中邊滅之，若火爐中邊作火爐中邊滅之，若廁溷中邊作廁溷中邊滅之，

之，若車乘具中邊作車乘具中邊滅之，若鞍馬服飾中邊作鞍馬服飾中邊滅之，若床鋪衣被氈褥靴帽雜器中邊作床鋪衣被氈褥靴帽雜器中邊滅之，若於一切飲食中邊作一切飲食中邊滅之，若側近人作者及於一切處行住坐臥，如是皆悉滅之。若晝作晝滅之，若夜作夜滅之，若晝夜常作晝夜滅之。此呪能斷絕帝釋呪道、能斷絕梵天呪道、能斷絕四天王呪道，及與一切所有邪鬼呪道方術，悉皆能斷。若有為某甲作惡厭蠱呪詛及與毒藥，悉皆滅之。若佉伽、若毘陀羅、若吉遮、若富單那所為，悉皆滅之。眾惡都盡，眾善補處，願此呪常吉。以此真實章句，使某甲晝安夜安晝夜常安，得壽百歲得見百秋。何以故？世間最上無過於佛，天尊所尚、眾神奉仰。若有行惡呪道，若作已、若當作、若中間作，若成就、若未成就，悉皆滅之。及與一切眾毒能害人者，此六字神呪王經所在之處，若讀若誦受持憶念者，所有惡業重障皆消滅之。」即說呪曰：

「佉[月\*氏]佉住佉毘[月\*氏] 緘壽 緘壽 多胝 婆胝 莎婆訶」

「若有為某甲作惡呪詛，若作已、若當作，若天、若龍、若藥叉、若羅剎，及與一切能作惡呪詛者，悉皆滅之。若佉伽、若毘陀羅、若富單那所為，悉皆滅之。眾惡都盡，眾善補處，願此呪常吉。以此真實章句，使某甲晝安夜安晝夜常安，得壽百歲得見百秋。何以故？世間最上無過於法，天人所敬、眾魔奉受、離欲無著。」即說呪曰：

「佉胝佉住佉毘胝 緘壽 緘壽 多胝 婆胝 莎婆訶」

「何以故？世間最上無過於僧，良善福田、賢聖所敬、眾善擁護。」即說呪曰：

「佉胝佉住佉毘胝 緘壽 緘壽 多胝婆胝兜帝 阿彌帝 阿周帝 莎婆訶」

「若有為某甲作惡呪詛，若和合毒藥、若真若偽所作非法，若前身若今身行業眾惡，一切重罪悉皆滅之。」即說呪曰：

「摩休婆烏摩帝 烏摩陀徒陀彌 佉伽婆提徒陀彌 頻頭摩提質帝質多提婆徒陀彌 阿鞞旃阿鞞 莎婆訶」

「若有人能誦持是六字神呪王經，假令呪枯樹可得還生枝葉，何況人身。使某甲得壽百歲得見百秋。諸佛所說、阿難所傳，若人讀誦通利悉皆自護，眾惡遠身、恒與善俱。若呪他者，能除彼人眾苦惡患。讀者斷五辛，至心鮮潔，然後乃得行之。諸難凶禍無有遺餘，無不吉利。」即說呪曰：

「呵呵遮唎 呵呵那彌 呵呵浮陀摩提 呵呵尼呵咤 尼劬沙 呵呵尼呵陀 佉伽陀 尼毘沙佉伽陀 伊彌彌彌 陀弊 陀陀弊 莎婆訶」

「敬禮三寶、敬禮聖智海遍照莊嚴王如來、敬禮一切如來應正等覺、敬禮聖阿縛盧枳低濕伐羅摩訶薩埵。如是歸命已，然後說是神呪，願此呪常吉。敬禮聖阿縛盧枳低濕伐羅，觀照我身(此一句如是三稱)，憐愍我故。」即說呪曰：

「烏呵尼暮阿尼阿陀尼阿陀毘阿陀闍毘尼耽毘尼 安陀隸 鉢陀隸 死卑提 安陀羅婆死尼 薩陸豆率吒 波羅豆率吒 質擔闍婆夜 耽婆夜摩訶夜耶婆質羅 提那質遮提 盧樓質吒那陀死 盧樓盧漏質吒鉢陀死 莎婆訶」

「此呪能護一切厄難，鮮潔無垢解脫光明，觀照縛一切賊行惡者，無復迷荒，念善者、濟度眾難。一切惡魔，現世護我身。師子狂象、虎狼豺犬獼猿，及諸惡獸欲害人者，悉令被縛。我今為某甲及共行同伴，一切呪力所向之處，行住坐臥願悉平吉。」即說呪曰：

「知醯唎 知唎 牧唎 摩蹬耆 旃陀唎叉羅叉羅羅耶 莎婆訶」

「敬禮三寶，必願此呪令大吉善。用此呪法，當用之日，洗浴鮮潔淨除垢穢，身心恬怕，不得行姪、不食五辛飲酒噉肉，舌不惡語。當以白縷手捉其縊，誦呪七遍一遍一結。作索成已，若有官事被言、或逢鬪諍更相呪詛、讒謗謀枉及一切眾惡，以此呪結著其人衣帶中，如上諸難悉皆滅之。事過之後，請佛法僧，燒眾名香，設齋請福，深修悲敬報佛慈恩。主自解結，發大願云：『我與一切四生，永絕八難，所願從心。』」即說呪曰：

「醯豆摩帝耶舍婆帝 婆羅沙天婆帝 烏受婆帝 鬱多羅尼 阿叉夜婆帝 阿窶羶帝目企婆羅婆目帝 婆羅婆枳豆莎訶」

「敬禮過去未來現在一切常住三寶，敬禮聖智海遍照莊嚴王如來，敬禮一切如來應正等覺，敬禮聖阿縛盧枳低濕伐羅消伏毒害救苦大悲者，敬禮曼殊室利菩薩、三曼多跋達羅菩薩、慈氏菩薩、棄陰蓋菩薩、寂根菩薩、慧尚菩薩、常不離世菩薩，首楞嚴三昧、虛空藏、寶幢、孔雀王陀羅尼、六字章句，藥王、藥上、堅意、不污行等菩薩摩訶薩。各稱其號，歸依如是一切得道聖眾，然後說此大陀羅尼神呪。」即說呪曰：

「迦囉尼摩帝 毘輸多尼 伽帝婆囉毘 耶舍首羅婆隸 陀提窶提散陀婆提 舍陀目佉 鬱多羅尼 舍陀婆囉毘舍毘羶陀 迦唎奢婆薩那婆伽帝 鳩舍羅婆婆尼 阿窶珊帝毘珊帝 知帝 阿知帝 湯那伽帝 阿湯那伽帝 阿婆娑唎 阿舍娑囉禰 婆羅禰目隸 牟囉牟囉婆陀隸 舍尼婆囉陸 須梨婆帝殊帝婆羅陸 須毘摩隸菴摩隸 莎訶」

「此呪能除一切闇冥，如來所持、諸天敬受、善神護念、梵天所解、帝釋敬事、護世所護，決了眾聖諸仙受持，和合眾姓、解脫繫縛，一切諸天及人斷諸煩惱、降伏魔怨，制諸外道摧諸僞慢，過諸

法師，談論諍訟無不獲勝，善根增長身心清淨，不捨大眾、悅諸學法，守護經典甚深法藏利益三寶，愍念一切眾生之類，莊嚴眾義。有如是等大利益事，名無盡藏。陀羅尼章句，非護能護。若復有人能讀誦書持、若使人書，乃至以香華供養經卷者，得三十二無疑畏難。用此呪法者，晨朝澡身漱口燒香深心頂禮，讀誦三遍，如是作訖，所行之處言語談說四眾瞻仰，所向至方未嘗不吉，眾人貴敬、見者歡喜、怨家降諾。阿難陀！汝等應當一心奉持此陀羅尼章句。」說是法時，一切天龍八部鬼神聞佛所說，皆大歡喜，作禮而去。

六字神呪王經

---

## [CBETA 贊助資訊](https://www.cbeta.org/donation/index.php)

[. \(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

---

## 信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

## [前往捐款](#)

---

### 劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

---

### 線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

### [線上信用卡 / PayPal 贊助](#)

---

## 支票捐款

支票抬頭請填寫「財團法人佛教電子佛典基金會」。

For donations by check, please write the check to  
"Comprehensive Buddhist Electronic Text Archive  
Foundation".

---